



Deddf Rheoleiddio ac Arolygu Gofal Cymdeithasol (Cymru) 2016

2016 dccc 2

RHAN 3

GOFAL CYMDEITHASOL CYMRU

Pwerau diofyn Gweinidogion Cymru

78 Pwerau diofyn Gweinidogion Cymru

- (1) Mae'r pwerau a roddir gan yr adran hon yn arferadwy gan Weinidogion Cymru os ydynt wedi eu bodloni bod GCC—
 - (a) wedi methu heb esgus rhesymol â chyflawni unrhyw un neu ragor o'i swyddogaethau, neu
 - (b) wrth gyflawni unrhyw un neu ragor o'i swyddogaethau, wedi methu heb esgus rhesymol â chydymffurfio ag unrhyw gyfarwyddydau a roddir gan Weinidogion Cymru o dan adran 77 mewn perthynas â'r swyddogaethau hynny.
- (2) Caiff Gweinidogion Cymru—
 - (a) cyhoeddi datganiad sy'n datgan bod GCC wedi methu, a
 - (b) cyfarwyddo GCC i gyflawni unrhyw un neu ragor o'i swyddogaethau, mewn unrhyw fodd ac o fewn unrhyw gyfnod neu gyfnodau, a bennir yn y cyfarwyddyd.
- (3) Os yw GCC yn methu â chydymffurfio â chyfarwyddyd a roddir o dan is-adran (2) (b), caiff Gweinidogion Cymru—
 - (a) chyflawni'r swyddogaethau y mae'r cyfarwyddyd yn ymwneud â hwy eu hunain, neu
 - (b) gwneud trefniadau i unrhyw berson arall gyflawni'r swyddogaethau hynny ar eu rhan.

Statws This is the original version (as it was originally enacted).

- (4) O ran cyfarwyddyd o dan is-adran (2)(b)—
- (a) rhaid iddo fod yn ysgrifenedig;
 - (b) caniateir iddo gael ei amrywio neu ei ddirymu drwy gyfarwyddyd dilynol.